

續修四庫全書

卷之六

七

七

《續修四庫全書》編纂委員會編

續修四庫全書

上海古籍出版社

一五一〇・集部・別集類

養浩齋詩稿九卷 養浩齋詩續稿五卷 惇裕堂文集四卷〔清〕桂超萬撰……………一

劉孟塗集四十四卷〔存前集十卷，後集卷一至卷七、卷九至卷二十二，文集十卷，

駢體文二卷〕〔清〕劉 開撰……………一六九

郭大理遺稿八卷〔清〕郭尚先撰……………四三九

增默菴詩遺集二卷〔清〕郭尚先撰……………五三五

養一齋集二十六卷首一卷附一卷〔卷一至卷八〕〔清〕潘德輿撰……………五七一

同治丙寅重鐫

養浩齋詩集

本齋藏板

養浩齋詩稿 詩評

養浩齋詩評

同懷兄弟青藜編次

山陽汪相國師文端公曰沈痛處見性之脆斷制處見識之卓

無錫秦小峴司寇選入江浙詩存序曰丹盟非經濟之書不讀非忠孝之事不言操筆爲詩文原原本本隨真氣流露不矜標格不佻藻繪自然感人豈吟風弄月家所及選八十首

陽湖陸祁生明府經事曰開卷詠古入詩足見作者懷抱矣傾倒欣愉不覺愈我肝疾又曰讀勅車行已極淒

養浩齋詩書

怡讀紀

恩八章不復能制淚矣又曰眞橫直逼漢魏又曰短章皆有風雨離合之勢

新化鄧湘臯孝廉發曰與丹盟別十年矣道光乙酉

以與修安徽通志共事皖城出大集見示窮日讀之如

素琴在抱皓月當空又如霜角曉吹秋聲滿野

侯官楊雪樵方伯庚辰戊戌祀竈日次樂城贈詩曰十

丈征塵浣客衫逢君風骨迴非凡千家煬竈黃羊祀一

卷卿嫺紫鴛函工在煉金沙細沈意如培竹草嚴交吳

堂莫便陳觴酒且把華篇飽老饑豈角霜天清復清等

養浩齋詩稿
養浩齋詩續稿
惇裕堂文集

〔清〕桂超萬撰

據南京圖書館藏清同治五年
刻惇裕堂全集本影印原書版
框高一八〇毫米寬二六〇毫米

言洗耳聽鏘鳴中聲千古在天下筆一言關性情皮
骨間誰知學杜機雲難得此連荆兼示令兄諸弟九華山
色芙蓉鬱靈秀剛鍾兩弟兄親署吟牋養浩齋氣能善
養始無乖江河壯濶源流遠官徵增吟正變倍敢把藻
華掩風骨應咄咄偶只形骸平生愛讀新詩本重別殘
燈思為指莫嫌百里因風鸞父母斯民是此官聞有德
音高山祀知無素食誦河桓菴惠辣性消磨易桃李濃
陰長養難循吏儒林雙傳合千秋讀史為君看次日又
寄詩曰猶得今生見相逢不恨遲一篇新樂府卅載舊
經帷廉讓盟心日河梁執手時論文留後約珍重語臨

歧

銅陵何菊堉農部順之曰先生之詩境如白雲在天淦
波無極又曰讀先生詩可以令人痛哭一字一淚一字
一珠語語如畫情景極真皆至性至情流露結成千古
不朽文字豈偶然哉

南海桂星垣太史文耀曰樂府諷諭思厚深得風人之
旨而首節諸亮古藻紛披尤徵遠學古近體鑪冶在心
籠罩萬變其中原本忠孝關心民瘼足覩宏負儒林循
吏蓋能兼擅也

平湖朱小雲觀察王林題樂城紀事詩後曰勤求民瘼

賞心難誰似丹盟一寸丹為語當途加拂拭風塵此是
讀書官秀才刀筆逞姦欺擿伏須教莫遁辭絕妙訟庭
親策士墨供硃問出神奇丹盟創硃問自濟浚河潦患
聖供之法除山田高下闢新畝使君督勸如家事更課三農種樹
書

莆田林帖瞻比部揚祖曰癸巳歲從徐晉希水部處謁
丹盟先生後於吳竹如比部齋頭觀先生制義精深似
趙明遠堅綴似儲理質讀之不肯釋手今使車道出樂
城索詩集快讀之李杜文章尤饒萬丈不肯作長慶以
後之音先生學有根柢詩特緒餘異日得盡其才以行
養清齋詩註

所學富有文章經濟凌轍古人者豈僅以詩名於世哉
齊陽黃石琴觀察恩彤曰丹盟先生文壇耆宿當代作
者庚子夏余奉使出樂城幸得快讀其詩文復以未刻
詩彙見示宗漢魏祖李杜涉獵百家自成一體所謂脫
盡時人面孔方可入古者矣程期敦迫流覽一過未能
窮其佳妙憶昔于役過池州雨中經望華樓下遙望五
老峰在烟雲縹緲間每以未識真面為憾今於先生詩
亦云

長沙李雙圃方伯象鳴曰余過樂城丹盟以北道主人
來謁談論移晷知其人通政體識時務者因檢括紳於

其姓名上大書書味益然四字誠愛之也出所著各種
示余各閱數章文清空古今體有卓識試帖典雅不落
時調真奇才也此行也歸過武陵將持以問之湘阜
長白福元修學士濟題曰老宿縱橫翰墨場一編千古
聯珠光文扶八代瀾回手詩重三吳錦作腸愧我姓名
聯羅塔羨君風雅振龍岡照人冰雪塵能撲深惜雲烟
過眼忙

同懷兄鸞文廣文青萬曰余與弟幼攻舉業奉祖父庭
訓終年切磋自戊辰弟登賢書余亦遠遊聚散無定每
聚時各出詩文推究癸巳弟通籍試姑蘇余視食廣陵

養浩齋詩評

僅一見後宦北燕不晤者九年癸卯冬奉

簡命守揚明年余來觀政則相聚如髫齡矣弟勤於政
事欲效古循吏之所爲而常若未逮郡人士羣以仁智
勇稱之視向之循聲自北來者何如目覩爲快也公餘
以養浩齋未刻詩稿屬訂大約吾弟古今體詩寢饋杜
陵近復參以彭澤而皆自出機杼無規仿痕其至性至
情則三百篇之遺也至樂府獨往獨來幾幾數百年僅
見之作其殆有天授耶

王田孫雲溪太史

首城

曰風雲月露之詞誰不解道所

難者眞耳無眞學問則無眞識見無眞本領則無眞氣

力大作以絕大本領據寫胸中學問隨手拈來皆有眞
識見以貫之眞氣力以行之昔人謂少陵一肚皮忠憤
於詩發之吾謂先生一肚皮經濟亦於詩發之
同懷弟子穀廣文載青曰吾兄紀事詩有三絕凡詩敘
爭易平而獨健絕易俗而獨雅絕易冗而獨簡絕忽起
忽落忽合忽離蘊藉冲融游行自在令人忘其爲詩而
只覺敘事之明又令人忘其爲敘事而但見爲詩之妙
殆於詩中獨闢一境當與陸宣公四六奏事並有千古

養浩齋詩評

五

養浩齋詩稿卷一

詠古八首

貴池桂超萬堦盟

磊磊金剛石不受物摧折一遇於羊角擊之終瓦裂本
非精粹姿焉能不磨滅信哉貞守難歷久試勁節謝朓
選徵書輕舟自詣關

漢文尙恭儉四海如春陽明時而痛哭賈生毋乃狂狂
言亦何罪苦口知良方脫用狂夫謀七國焉跳梁齊侯
牛山遊晏子笑于旁須知笑亦哭冷眼皆熱腸

莽莽蘿藤叢蔓延漚原隰依草而附木牽引相比暱松

養浩齋詩稿卷一

柏同一林樹樹皆傑出枝柯豈不交無須倚物立君子
常澗疎小人自稠密

山雞冒爲鳳孔雀冒爲鸞質非而貌是文彩空濤翰猷
雄富貴倚藩陸登詞壇粉飾豈不工說理終渺漫浮萍
本無根結實良獨難

安得周處劍入溪斬潛蛟安得崔嵬棒入鄉擊強豪潛
蛟伏溪壑尺水生波濤強豪制鄉里寸舌藏剛刀

楊花著楊枝比附自相得一朝辭樹飛化作池萍碧雜
花尙依根而去渺無迹輕薄亦猶人變幻不可測昔日
爲雷陳今日爲秦越荒蕪陸賁莊凄凉任助宅故文豈

云寡無人念舊德身後安足論及身猶下石

黃河欲歸海瀉入東南來大海不爲壑乃向圩田開王
尊廬金隄永波亦漸迴補苴豈無術誠心澹其災守吏
日高歌鴻聲空自哀

隸人豈知驪虞人豈識麟鴉雀以爲瑞爰居以爲神和
璧乃自獻則足匪由人投好依葉公眞龍已輕身世無
鍾子期抱琴宜自珍

九華

造化亦奇絕芙蓉生石巔秋風忽吹動紫氣成雲煙老
衲空脩佛名山屬謫仙斯人且顛顛吾欲問青天

養浩齋詩稿卷一

讀史偶書

徐生遣後又盧生東望蓬山禱祀誠底事天仙祕靈藥
不教親見入關兵

雜詩二首

天邊有惡鳥一舉冲雲霓虎視下林谷同類爲粉齏雙
飛乍失羣終夜聞悲啼豈無黃金彈望之隔雲泥我欲
入雲擊情哉無階梯

湘江生荷藕素心獨清絕同岑有江蘿氣味與之淡賁
葉入其叢宿穢漸銷滅空江無人知孤芳亦未歇我欲
渡江采惜哉無舟楫

望鷺文四兄青萬歸舟

東風吹綠滿江流江樹玲瓏望客舟聞說嶺梅開未了
爭教何遜別揚州

謁黃侍中祠

鐵騎軍聲忽渡河孤臣擊楫奮悲歌雷霆怒賊朝書檄
風雨動王夜枕戈碧血全家餘石跡忠魂萬古作江波
子澄誤主翻逃竄徒死其如社稷何

黃侍中祠內血影石歌并序

侍中諱觀靖難兵入時募兵上游燕王收其夫
人翁氏并二女給配象奴夫人以金釧結奴換

養浩齋詩稿

卷一

三

酒出攜二女死通濟橋下流至賽虹橋拳猶相
抱不解初夫人投水時嘔血石上遂成小影象
相戒大士像勿踐僧昇入庵供焉一夕見夢曰
我黃狀元妻也比明沃以水影愈明有愁慘狀
後吾邑人建侍中祠於金陵移石祠內祀之今
尙存

君不見靈胥投江爲洪濤屬鏐怒飛蛟龍號又不見瀟
湘蒼竹多淚痕上接娥皇文英之貞魂金陵城高入飛
燕江上募兵公決戰夫人二女羅網羅象奴狂狹將奈
何給奴遠去憑釧釵往尋生路惟秦淮人世要求此心

活一生一死非形骸南望江雲萬重潤援師不來羽書
絕但聽風聲水聲雨鳴咽心知公矢屈平節攜女入淮
淮水裂淮水匯江江倒流皖公臺下誓同穴嗟哉此身
無由化爲石對石空啼杜鵑血血光明潔精魂凝冰肌
玉貌如平生象疑大士現真相焚頂燒指來輪誠蓮花
夜散禪房清枯僧夢裏驚天聲愁眉深鎖孤月瘦長恨
欲訴覓禽鳴雷霆一聲天日晶乃知夫人赫赫之英靈
嗚呼石縱能言亦何補終日呼天天無語金川門外鬼
嘯煙寒虹橋時猿啼雨白帽緇衣安在哉金支翠旗忠
魂來君不聞玉簫吹徹東山頭空中環珮鏘琳瑯左提
右挈拳猶抱騎鯨上下江淮流江淮流水縱涸竭石上
之影無時滅

出門

行雲停故岫飛花戀故林生小未離鄉一步一踟躕曉
鏡光熒熒拜別上階除階上拜詞母母曰兒勉諸兒貴
分內事面目毋改初貧窮亦勿忘我甘國中蔬再拜阿
翁前欲語先長吁出山泉易渴近墨絲易濡饑寒慎所
依莫向豪門趨阿娘道見行善保骨立軀水行防風波
山行防崎嶇阿兄少同硯茲行弟同草勉我友善士敬
事賢大夫荆妻被輕裝叮嚀勤寄書諸弟紛羅前牽衣

遮堂途橋際舞晴雪晨星亦已孤仰視離羣雁隔清猶
相呼歲暮行人歸遊子乃長驅長驅莫神傷行與阿叔
俱阿叔領東閣梅花開何如家二叔時為甘泉廣文叔同北上

江梅

江上寒如此霜梅亦著花吾家舊林塢滿樹古煙霞昨
夢騎孤鶴南飛入九華一聲蘭櫂響春信在天涯

旅夜有懷

獨客不成寐朔方秋已寒舉頭望河漢長夜自波瀾
還歸雲急林深得月難征鴻忽南向羨爾有輕翰

都中送張伯衡應揚同年南旋

養浩齋詩稿 卷一

欲別翻無語天涯君獨還為憐羈旅苦不道去程艱缺
月寒宵榻孤燈候曉關同歸成幻夢依約到黃山

接家書

梅花深處是吾鄉寄得新香入酒尊有母尚煩操杵苦
添丁又累哺雛恩八月廿二日可曾暇菽頻加飯應事
舍館不倚門風雪莫愁天外冷年來南北等寒溫

秋夜望雲歌

山雲出石峯巍峩我將登高我馬蹉江雲逐水掀洪波
我將駕雲無龍羣白衣蒼狗奇幻多焉知前路非坎軻
嗟哉百年同校功名富貴浮雲過雲為車輪風為珂

朝發易水夕黃河我身無翼行遙遠安得乘此歸山阿
北山有杞南山我紫荊樹上慈烏窠望而不見傷如何

旅館

旅館思親夜漏長一窗霜月檢書囊客衣尚有臨行線
茫酒云何典鵲鷄

出都留別汪杏園 七 明經暨桐軒 共獻舍人二

首

都門星聚兩年間客裏何勞解珮環君有芳情似明月
清輝一路到鄉山

作客長安心事遠驚聞親恙合旋歸此身但願為秋雁

養浩齋詩稿 卷一

還逐東風向北飛

紡車行

江南多木棉輕煖勝齊紈慈母勤夜紡孤燈懸闌干體
皚潔自華照見冰雪肝線斷使復續車毀使復完車影
似明月一輪何團圓月輪四更落車輪仍盤桓線影如
銀河九折起波瀾波瀾無已時得成布一端裁布裂兒
衣賣布供兒餐兒食日二簋母食日一簋兒身著新襖
母身蘆衣殘時紡時諒讀盡荻呼兒看漸教五絃線化
為五色輪計偕見北行拜別具儒冠門外牽兒裙十指
盡成癰不畏操作苦翻畏關山難母心如飛較母手如

轉九病亟牀蓐冷還慮兒身單命取車上線縫衣寄長
安衣線長在身縫者骨已寒彷彿夢魂中軋軋聲未聞
秋林聽絡緯飛鳴猶悲酸酸風吹淚雨此淚何時乾

判臂行爲揚州孝女家三姑作

孝女一何愚仰天終日呼天耳聾不我命天醫遠隔雲
衛安得仙藥來蟾蜍母體一兒體兒軀一母軀誓將兒
代母何爲惜區區不惜肝膽敢愛皮膚兒肥母瘠分榮
潤枯雲沈畫閣閉月暗寒鐙孤右手揮白刃左臂流紅
珠吞聲和淚煎金壺其奈白日淪西隅嗟哉孝女一何
愚

養浩齋詩稿

卷一

七

自維揚寄胡丈茂南

明經

春風吹綠波江發蘭杜蘭杜生古香思君在秋浦昔
我入可園論文夜然炬開窗面好山山缺月輪補月映
四檐冰人在冰壺貯清影蕩梅花照君顏色古手折投
我懷芳氣沁胸臆折處枝重生今春開幾許

可園胡公別墅

送春寄八弟延齡

錄萬九弟子穀

鐘樓報曙且遲遲一刻千金繫去思今夕春光留不住
惜春須及早春時

梅子吟

梅花孕自冬梅子結自春春氣消積寒條風亦已溫

歲時寒日凍折餘孤根豈不惜艱苦獨力支乾坤扶養
成碩果鼎鼎資調勻陳之在豆邇可以告明神將之在
簞篚可以緩嘉賓子長今纍纍花開今何存怪底本性
在其中含酸辛高枝合保護固蒂以全真不熟人所棄
悉孤天地恩

河兵謠三首

莫望河更潔日汲河水啜河水是貪泉年年作金穴
河水挾泥沙泥沙多於泉昔用金鉞刷今用金錢填
自誰撤保障招得西風浪我聞高克來逍遙在河上

聞警四首

養浩齋詩稿

卷一

八

烽燧驚聞起沐東請纓空欲奮終童百年鉅甲人多怯
十載穿坼吏盡蠶已識須臾屠瘡狗可憐億兆聽嗷鴻
老謀喜有劉都轉定計焚巢用火攻

劉公清用大程破賊

鴟青久靜禁林叢蜂小難防出袖中
風雷幸護紫微宮九門雜沓誰司鑰三衛倉黃尙轅弓

皇子乃煩親禦敵先張義勇愧元戎

欲防飛鳥始桃蟲幾處妖言煽惑工曾有執干堅死節
誰教責劔事農功殲渠業使狼心墮漏網難搜鯨穴空
殺賊莫驅民作賊曲江一疏大臣風

謂學使張公屬風上疏

九重觀聽最明聰上賞休將虛級蒙何物盧循作狐鼠

我早楊業奮顯能謂提督楊南營早守黃河險西竄應防函谷逼一紙

詔書深罪已羣公何以慰

宸衷

維揚送孫簡雲廣茂才還宿遷

念子為舟去河冰凍未開文章見真性衣食困清才余亦望雲切誰憐冒雪回烽煙鄰爾郡日盼捷書來

問捷二首

昨宵喜不寐捷書來河東上喜舒

帝憂下喜蘇困窮征婦停砧聲寄衣已無庸歸來解征

養浩齋詩稿 卷一

九

袍前去戰血紅流民負擔回幸脫羅網中舊里陷為阱舊廬化為烽飛鳥一失巢何以托故叢鑄戟備耕具及時勸耆農

烈火方始炎杯水可撲滅金隄察微隙撮土彌其缺須與不為防滅頂而爛額小醜何能為煽動起邪說秦鏡苟燭奸賊膽早摧裂可憐一城破已飲萬人血蔓延亦既長餘風恐未歇守牧須冀黃四海靖遺孽

出都留別汪伯庚錫章茂才

攜手承今夕明朝燕楚分寒鐙三載夢古曲幾人聞
罷墮殘月吾歸卧白雲升沈知分定何事問靈氛

車中夜行

空留明月照荒郊
車畔猶餘舊壘存
策蹇無須怨歧路
太平被放亦君恩

君恩

與族叔瞻林一翰秀才從兄薌巖樹棠孝廉話及

族中貧況詩以商之

何以富族人莫如能守貧何以能守貧莫如四體勤少小戲鄉落書聲比戶聞歲時糴穀米家家盈倉囤昔何饒裕今何迫昔衣粗布今細帛細帛穿敝粗布無從此嗷嗷同饑鳥我願東畝深春耕秋收粒粒皆瑤瓊我願

養浩齋詩稿 卷一

十

南山息斤斧林木所生百貨聚君不見遠祖遷一公走馬秋浦名山中十年生計成富庶繞屋手植千桑叢桑之干又不見近祖仙石翁梅邨新築半畝官稼穡之外寶一卷井泉溪水流無窮梅邨前有天然井後有仙溪

齊山

我疑天上飛來瓊瑤宮月窟忽與人間通吳剛運斤七寶合千戶萬牖穿玲瓏又疑壺公南謫將壺擲化作空明萬重石不然何以一洞一乾坤別有日月升崑崙齊相杜公風流吏姪為名山開幽秘岳侯遊後華公來英風千古相追陪往往登高發長嘯忠魂彷彿空中回玉

簫鐵笛一聲響寒林萬樹梅花開手把芙蓉玉梯上招
我同登百尺之樓臺樓臺縹緲高無極海上神山勢難
即雲車風旆須與收余亦緣崖着歸屐

百牙山樓同姚鐵舟

黃贊霖

永和

兩茂才小飲

喜見中州又止戈滿城簫管動香和九華雲鴻湖邊樹
雙塔影搖江上波白眼每愁知已少青年況負好山多
今朝高會須拌醉後夢尋歡奈遠何

齊山訪華家邨

宋華殿帥岳以諸生劾韓侂胄下獄侂胄敗放
出登嘉定武科第一卒以謀去史彌遠被害難

養浩齋詩稿

卷一

十一

池人宋史作
西華人誤

瘦石又生齒僧言此華邨乘舩張義膽請劍覆杆魂孤
鶴荒即守千鴉舊岩屯寒香吹不斷猶有古梅存

公著
翠微

南征錄有水瘦石生
齒山寒梅未花之句

哭亡女二首

年十有
四而殤

閱世短如夢從頭憶爾身兒嬉梨讓弟孺慕喪貽親送
我征車去牽衣繞膝悲一編畱女誠痛絕授書人
爾母終年病吾親雨鬢蒼愛憐緣爾慧秋水代吾將活
火朝鑑煖清風夕簾涼何堪遲暮景回憶斷枯腸
舟中回憶齊山

齊山秀出樓山東遙拱九朶青芙蓉玲瓏樓閣空中結
百孔聰明透冰雪十年難得登翠微一遊又與家山違
百雲遲遲出巖洞爲我遠送征帆飛帆飛混茫杳然去
回首峯峯盡煙霧但聽滿耳波濤聲不見華松棲鶴處
江風吹夢忽飛回老鶴顧我還疑猜清唳一聲萬花笑
劃然三十二洞金扉開我疑中有縹緲之瑤臺集仙橋
上望仙來仙人不來心悲哀不願仙人賜丹訣只願人
生不離別

山有華家松相傳
華公岳手植者

養浩齋詩稿

卷一

十二

養齋詩稿卷二

夢於潛章西漁同年

貴池桂超萬丹盟

長別淚沾巾癯顏又一親分明梅樹下同看嶺頭春爾

室分餐急吾家噉救貧孤兒未成立愁負夢中人西漁

力學身後家無立筆余獨其子入

謁史閣部祠因憶吾邑有馬副將應魁汪副將思

誠程參將宗熹皆幕內殉難者詩并弔之

二豎居中正妬才侯封四鎮又羣猜孤城駐節悲天遠

幾將揮戈挽日回身是怒螳當巨軀魂俱化鶴守寒梅

養齋詩稿 卷二

江頭痛煞陳書客睍髮長號萬壑哀吾邑劉伯宗史公所薦士也晉上書

陳恢復哭公詩用

平山堂

昔聞歐文忠登堂舒素懷謗詠匪自樂此意民與偕踵

事殊不然穿鑿成蓬萊平地起巖岫連天撐樓臺月光

雜鐙光照耀邗水涯金鴨赤棒排長官樓船來紅粉隱

珠簾酣歌笑語陪歌聲正裏裏忽聞哭聲哀顧天呼父

母報道秋田災願公移棹視暫輟流霞杯停杯怒衝冠

奸民欺予哉不見平湖中蓮花猶盛開

乞婦行

朝過海陵城清秋散炎熱道旁有乞婦哭聲何淒切停

車慰問之滄桑難具說吾舅此州牧勢焰亦云烈十載

富貴場豪情恣歡悅罷職戀繁華城南滯歸轍車馬猶

喧闐姬妾并羅列朝露何遠歸人事易蹉跎夫婿遊蕩

兒身家齊瓦裂顧影憐孤鴻空拳左右掣饑餐古廟風

寒臥郵亭雪漂泊年復年朱顏已凋折素月流秋光山

山氣清澈忽夢入高門當戶銀屏設蘭房寶鴨熏蕙帳

金絲結手持玳瑁梳腰佩珊瑚玦雜劇百般陳一少

時聞烏啼驚心魂獨聽流泉咽

野鳥二首判白下正覺寺多僧也

養齋詩稿 卷二

野鳥有巢禿鶯摧之曷為摧之曰予取以改為縱爾者

誰鳴鴉助其威吁嗟野鳥將安歸

野鳥有匹禿鶯離之曷為離之曰予取以為雌誘爾者

誰鳴鴉為之媒吁嗟野鳥將安飛

謁陳都諫敬宗成仁祠

靖難兵入公繩城出促上游援兵燕軍獲以獻

詔復其官公以麻服見上書請立惠帝太子坐

腰斬臨刑賦詩二首在血衣中有落花逐流水

砥柱不隨波之句萬歷時始為建成仁祠

國破臣身在辭官就檻車鬼門方選位麻服請迎儲抗

疏霜飛簡題詩血染裙年年瓜戛水江上渺愁予

九華舊有半山土地祠俗以其神爲韓文公青陽

吳大宗伯襄微時讀書山中請命大吏毀焉過

其遺址有感而作

君不見北斗在天臨中宮又不見秦山在地羣岳宗誰
將巍巍昌黎公作佛衙官當其衝憶昔元和扇邪風龍
車迎佛金殿中霹靂一聲公奮擊庶幾穢骨爲沙蟲白
日臨盲天不聰潮陽遠涉波洶洶鯉魚使歸大海窟袞
袞尙單名山峯咄嗟世路何夢夢縑流醉飽黔黎窮藍
關雪擁秦雲封翻云佛謹丁乃躬不有吳公作砥柱誰

養浩齋詩稿

卷二

三

挽百川流向東嗚呼誰挽百川流向東

歸鶴亭呈廖都轉復堂夫子

公如二分明月自天照綠楊城郭清輝到大開廣廈庇
單寒餘潏飼鶴鶴舞蹈政暇與客調清琴雙鶴按節能
知音公指一鶴在嘉樹前宵雪裏曾飛去脩翎一舉知
何鄉瑞池瀛海天茫茫東風吹起嶺梅綠覽湖水暖象
鳬浴在陰隻影時悲鳴空憶仙姿絕塵俗三旬忽帶孤
雲來空中凝睇窺樓臺幾將落葉掃霜向人昂昂如
欲語舊侶奮翻忙歡迎臨池對影交和鳴匪圖後鶴尋
前盟竹西亭畔營新亭靈鶴不老亭不傾我願公與亭

鶴俱千齡年年養過江南士多士來歸亦如此

哭陳司寇鍾溪夫子二首

梁木崔嵬忽折傷閔庭日瘦晝無光燕雲尙護西曹棘
闕海空百兩國棠賦閣賦輔弼星沈愁
帝座門闕望斷泣萱堂報恩未了生平事泉路迴看淚
幾行

幾年廬尾接深談森立階前珠樹三佛選律嚴懲鬼怪
般門材富貲榷榷家畱陰德黃金盡官飲清名白水甘
無數孤寒齊下淚岷山流到大江南西蜀江南皆公
視學典試處
孝廉會文堂懷周夢巖作同年

養浩齋詩稿

卷二

四

獨對蜀岡月梅花照影寒君歸近庾嶺先我一枝看夢
怯江波險魂飛吉水難何時尊酒共春信報長安

小金山

江流赴海不肯回金山橫截撐樓臺熊蹲虎踞高萬丈
崇朝飛渡邇清來峻嶺不待愚公遷驅石焉用秦皇鞭
巨靈指掌顧而笑但須百萬囊中錢築金山填金穴家
貲耗盡人力竭商豪瞬息恣歡吁嗟乎阿房閣上步
建章宮千門直從海外移崑崙瑤臺瑤闕世無比不見
山山流血痕

廣陵牡丹

士女如狂畫艸中李唐實啟愛花風當年傾國瓊臺在
又進楊家一捻紅

揚州傍花邨看菊

家家花下設杯盤月月花開泛木蘭此是柴桑孤隱客
等閒當作牡丹看

江行

岸澗曉風生孤蓬天際行寒雲愁岫色落葉亂潮聲野
戍尙鳴柝中原已洗兵江波願長息無使白鷗驚

接奉先母

旌表恩旨恭紀八首

養浩齋詩稿 卷二

五

皎皎白玉光詎可埋塵埃母年昔週甲衆賓上庭階歡
言指我閭綽楔須安排舉錫告阿母母意不可回云彼
孤芳蘭無言老山隈松柏求後知本心先已摧傷哉飛
鳳函未令親手開立節非爲名名亦隨之來
兒學慙承叔母勞逾敬姜昔隨省父墓時兒名舉鄉伏
地母拜泣矢言告冥茫二老安窀穸孤兒能文章吾生
事已畢同穴來君旁兒聞心骨悲默禱祈壽康壽康不
可期仰首問彼蒼

髫齡兒就塾衣履敝復縫諸友服絮絮並立有忼容母
言兒學古識趣何卑庸吾學如善織文繡出其中羊質

飾虎皮華采徒相蒙夢此時覺挾纊初在躬同視母
衣單百結臨淒風

少小謁祖像如見先祖存整衣學拜跪指告母諄諄爾

先傳楚王格心繪圖陳璫勢始炎炎歸隱滄江濱先補

明神宗時爲楚府長史以格心圖江南大儒風果葉未

傳王時大臣交章薦公公即引退江南大儒風果葉未

湮淪遺事爾曾祖樂育越七旬爾祖貽爾父窮經守此

貧曾祖環峯公祖沁齋公父予侯論世數明德待爾希

達人達人尙忠孝勉哉爲子臣

昔逮大父存孫纔識數方呼之趨榻前提攜告語詳吾

家拙生計薄田逢歲荒爾母勤紡績十指謀稻梁稻梁

養浩齋詩稿 卷二

六

進我膳自餐乃秕糠爾生不努力何以揚芬芳祖母享

遐齡見孫餽膠庠常常述祖言泣下沾衣裳

深池固象龍斗水亦活鮒四壁饒清風餘粒輒分哺推

惠豈云周誠意非干譽乞者方踵門食者遽停箸兒慮

母減餐母云宿飽故明晨縱斷炊今夕仍助購鄉里聞

恩綸感泣淚如注泉壤知不知茫茫問何處

疇昔赴公車兩載離故疆抱病母信來驚痛速歸裝入

門不見母鳴號心悵悵泣聞誦遺言道兒無毀傷兒貧

謀祿養受養吾未遑功名容易就立身難爲防慎求仁

者粟吾其享馨香少小兒累母百計爲兒忙長大解反